

THIRD CHUUK STATE CONSTITUTIONAL CONVENTION
Weno, Chuuk State
Federated States of Micronesia 96942

JOURNAL OF THE CONSTITUTIONAL CONVENTION

67th Day (Monday)

September 27, 2004

2:00 p.m

CALL TO ORDER

President Noket: A suk mwich, lei fansoun sipwe fanafanono ren iotek non monomon emon me emon.

SILENT PRAYER

President Noket: Secretary, kopwe koko it.

ROLL CALL

Secretary, a kokori iten emon me emon Delegates, Mr. President, ukukun Delegates ir mi polueni iter non ei nekilionun 10, 4 mi absent, mi quorum.

President Noket: Kinisou chapur Secretary, iei fansoun aneani minutes.

Floor Leader Harper: Mr. President.

President Noket: Floor Leader Harper.

Floor Leader Harper: Kinisou Mr. President, ngang uwa fori motion pwe mwich a etiya journal-un lon September, 1, 2, 21, 2004 an esap puan anea. Second.

ADOPTION OF JOURNAL

President Noket: A mokut a puan second pwe mwich a etiya journal-un non September 1, 2, and 21, 2004 an esap puan anea, chon tipeew ngeni apasa U, chon rese tipeew ngeni apasa Apw. A carry ewe motion. lei fansoun sipwe ne mwetetiwi won item 9, non nouch na Order of Business, pokiten ese wor metekana meinisin. lei sia nomw won second reading of Committee Proposal, Floor Leader Harper.

Floor Leader Harper: Kose mochen sipwe mwo ekis asoso.

Mwich a asoso a pual poposefanita.

President Noket: Floor Leader Harper.

SECOND READING OF COMMITTEE PROPOSALS - PLENARY

Floor Leader Harper: Kinisou Mr. President, ia fori motion pwe Convention a etiya CP. 3-28CD3.

President Noket: A mokut a pual second pwe Convention a etiya CP

No.3-28;CD3, iei fansoun secretary kopwe mwo anenai itenapen ewe proposal.

Secretary Paul: Mr. President, CP No.3-28, amending Article IX of the Chuuk State Constitution by adding a new section relating to the ethical conduct of all individuals in the government, and its political sub divisions, board, Commissions and other bodies.

President Noket: Iei fansoun memef won ewe proposal. Floor Leader Harper.

Floor Leader Harper: Kinisou Mr. President, ipwe pual pwarata miefiei won ei proposal, ai ia men tipew ngeni ekiekin me ouchean na proposal. Nge ew chok usun ii nenengeni nge epwe kon nakatatam an epwe tonong non ei constitution. Iwe ise silei ika epwe och met ei ii akieki non mokurei, pokiten sap pual ngang emon mi sinenap non pekin annuk, nge ita ira ika mifen och Legislature epwe chok forianong non annuk ei ekiek. Ei proposal mi fakkun - ngang mi mochen ai upwe atawei. Ai nennengeni pwe ika e tonong non nouch na constitution. Iwe ina epwe arapakan unuchoo page me non na constitution, nge ai nuku ika Legislature e fen chok wanong non annuk, iwe mi pual tongeni pual tawe usun chok ika si wanong non ei Constitution. Ina popun ngang won winikapei ipwe amusomus pwe isap vote won ei proposal won second reading, nge ika pwe lang epwe, fengen me pual nei aramas pwe ipwe pual niwin sefan, non ei next legislature. Iwe ipwe achocho ngeni pwe ei ekiekin ei proposal epwe fori me non annuk. Kinisou chapur.

President Noket: Ika e paul wor miefien emon won na proposal.3-28.
Delegate William

Delegate William K: Ewer Kinisou chapur Mr. President, pual iwe chok miefiei, usun ren nouch uwe Floor Leader, a minau. Ngang uwa men oucheani an ena code of ethic epwe wor flexibility won an epwe noo ngeni an ach we annepwung an epwe wisen mesemes won, met napanapan me met ekkan pwe epwe tongeni wor nonomochun me pual ar searchuni. Nge ikenai sa kuna nge a kon atapwanapwan ach fori en code of ethics, nge sipwe fen pual monukano ekkoch mi echipor ngeni ach ei state. Iwe sia fen pual tipis ngeni nouch kewe aramas. Iwe ina pwata ita a men och ngeni ach we legislature, pwe epwe unusen ewe 60 ran repwe anganga met epwe echipor ngeni nonomun ach ei state, me nonomun nouch kewe aramas. Ina met miefiei won ei men. Kinisou chapur.

President Noket: Chairman Sirom,

Delegate Sirom: Kinisou chapur Mr. President, upwe pual wata ekis miefiei won ei proposal, ewer mei pung uwa men tipew ngeni chienei kewe ai nuku it is for -ekon appropriate ika sipwe wanong non statue, ei code of ethics. Epwe nomw non noch we constitution. Ren ei wewe ia fori non motion pwe a koukutiw poraus won e proposal.

President Noket: A mokut a pual second pwe a kaukutiw anini won ei

proposal. Met om na osupwang.

Delegate Sirom: Ia pual tungor epwele pual take back my motion.

President Noket: Iei fansoun sopwosopwono poraus won ei proposal ika mi wor. Chairman Fritz.

Chairman Fritz: Eni pokiten kan ai ei colleauge seni Southern Namoneas, ita ii ai nenengeni e mochen apasa ekis nge om we wau mefiomuwe, iwe a chok saw iwe a chok kapas non ewe recess. Nge mi pung mi ellet pwe ngang upwan fiti ne apasa ach kinisou ngeni chiechiem kewe, mi pung met ekkewe ra poraus won, ewe constitution epwe chok era mandateini ach we Legislature pwe epwe awor ew annukun code of ethics. Iwe a flexibility usun met ewe Representative ika delegate Keiuo a poraus won epwap masow. Iwe ina popun ren ena wewe, upwe pual kinisou ngenir pual pesei ngenir pokiten ma ii pual chon chok ach ei Legislature epwe pual etto, nge nouch we Floor Leader e era epwap wanong non nan, nge ese pual wor ngawan ika a chok wanong mwo non ei October. Ika September, inet chok a wor special session. Afen ii wes, all they have to do, ar repwe chok etiw ra chok mina chok ew - minnong ee. Pual omusalo President. Pual monun ne mwich ukan chok pual mochen sopweno met ai ei colleague, a fen apasa ach kinisou ngeni nouch kewe delegates, ren chon ach we Legislature, pual ach epinukunuk pun met ei intention-un resap song ngeni kich ren ei anapanp. Epwe ne fen mecheres pun sisap pual witiwitin ach sipwe wanong an aramas repwe vote won, pun ir chok mi tongeni awora. Kinisou chapur.

President Noket: Iwe ika ese chiwen wor mefien emon, iwe sipwe ne entertain-ini ewe motion pwe a koukutiw anini, a pual second. Iei fanosun sipwe ne vote won ewe motion. Chon tipew ngeni pwe a ukutiw anin won CP No. 3-28;CD1 apasa U, chon rese tipew ngeni apasa Apw. A carry ewe motion. A ukutiw anini, iei sipwene uttut won na CP No. 3-28. Sipwene uttut iei usun, secretary epwe akkokow iit, iwe sipwe ponuwani, chon tipew ngeni U, chon rese tipew ngeni Apw, iwe kewe rese uttut wewen nge rese ma tipew ngeni. An epwe pass ei proposal epwe tori engel vote yes, iwe e tongeni pass. Secretary koko.

Secretary Paul:

1.	Del. Mori	Yes
2.	Del. Nifon	Apw
3.	Del. Raymond	Yes
4.	Del. Sirom	Apw
5.	Del. Sitan	Apw
6.	Del. Stephen	
7.	Del. William K.	Apw
8.	Chairman Fritz	Apw
9.	Floor Leader Harper	Apw
10.	President Noket	U

Mr. President, pungu uttut won CP No. 3-28;CD3 chon utti Yes 3, chon utti Apw 6, emon ese ponuweni an uttut, 4 ir mi absent.

President Noket: CP No.3-28;CD3, ese pass aruwen annea. Floor Leader Harper.

Floor Leader Harper: Kinisou chapur, uwa puan fori motion pwe Convention a etiwa CP No. 3-15.

President Noket: A mokut a pual second pwe convention a etiw CP No.3-15; sipwe tingor ngeni ewe secretary epwe aneani itenapan.

Secretary Paul: CP No. 3-15; to amend Section 7, Article X of the Constitution of Chuuk State by deleting the mandatory requirement of a comprehensive system of medical or health insurance to be established by the Chuuk State Government for all employed residents of the State of Chuuk by deleting the words "which is mandatory" to read as follows:

President Noket: lei fansoun memef won ei proposal, Chairman Stephen.

Mwich a mo asoso, a pual niwinsefan.

President Noket: lei kich mi now won CP No. 3-15 fansoun discussion ika mi wor. Floor Leader Harper.

Floor Leader Harper: Kinisou chapur Mr. President, ngang ia men pual fiti ai we good colleauge ren Honorable, Chairman Stephen, upwal osukosuk. Iwe nge lon ei fansoun use fen chiwen ani osukosukan ipwe akieki manawan ewe insurance, ika ipwe akieki ewe pung ipwe ngeni nei aramas ar choice, ar repwe finata meni sokkun insurance repwe fiti. Nge met ei ia ani osukosuken ikkenai, usun nge nikinikin nge ua fen conflict of interest. Ngeniei, ai ipwe vote won ei metoch, alongolong won ngang ia angei ekis benefit seni ei insurance. Iwe ai nuku ika ipwe vote apw, iwe usun nikinikin nge ia accept-ini as bribe, are ipwe vote against ei proposal, nge ika ipwe pual vote U, ren ei proposal, iwe ise sinei met chon ewe board me chon ewe office-in insurance ika aramas repwe ura ika ai vote ese support-uni ei proposal an epwe ne katano ewe mandatory. lei ei weires ngang ia nomw non, ina popun ise sieni ika met upwe chiwen ani vote, nge are ika emon epwe tongeni anisi ei ren ai vote, iwe upwe tingorei epwe anisi ei. Kinisou chapur.

President Noket: Delegate Sirom

Delegate Sirom: Kinisou chapur Mr. President, ipwemow anisi ai ei good colleauge, won mefian we, ewer mei pung pun ew issue mi wesen aweires ei. A nonomw rech ikkenai, nge ika sipwe ekieki Chuuk State as a whole, Chuuk State chok sap pual kich, ai nuku ina met epwe tongeni ngonuk ennetin omw vote. Kinisou chapur.

President Noket: Delegate Keiuo

Delegate William K.: Mi ennet ii ikewe ouchean poraus a tou, a men ouchea ach sipwe angei inisich pual wanong non ekkewe ekkoch aramas mi osupang. Usun met uwa wata non ewe asoso, ach sipwe pual nenengeni ifan koukun met tongenien ekkewe ekkoch. Ika sa wanong ekkei metoch pwe epwe mandatory nge ekkewe ekkoch rese fen mina, wewen nge kich mi fen pual chok violate-ini ei ma annuk. Iwe ita ina wewen ai tingor pwe sipwe nenengeniouchu met mi ouche ngeni ach ei government, pual met mi ouchea ngeni nouch kewe aramas, pual ach ei insurance itself. Ifa usun an epwe nikinikoch nonmur fengen. Ita ngang merei sisap choice-ini, whether FSM ika met, nge sipwe fen ngeni aramas ar repwe pukun finata met nonomur, met tongenier, ar repwe nengeni ei mandatory, ika mi ochu ngenir, iwe ra ma accept ini. Nge ika re nengeni nge ese ochungenir, iwe ra pual tou seni. Ita ina mefiei pual ai chok tingoronong ach sipwe ita ma nengeni nonomun aramas, iwe ita ma sia ngenir ena nonom rer ika ir mi tongeni, ina chok mefiei. Mr. President.

President Noket: Chairman Mino.

Chairman Mori: Iwe fan chomong ngang ua aneani usun met ena ouwa kakapasan ina usun ai weweiti, ren ena mandatory clause ren an epwe mandate ini pun meinisin employee residence, non State of Chuuk, repwe participate non ei health insurance. Ina usun met uwa rorongorong ami poporousan, epwe ina ititin wewen, nge pual fan fitu ai pual aneani, nge ngang uwa fen pual ekieki ika ei mandatory, use sinei nge non ai emon chok labor, esap ngang emon lawyer, ai upwe tongeni interpret-ni ekkei meen. Nge ika e fen pual fichifichinong ew ekiek ren ai upwe nengeni ei mandatory clause, e mina pun epwe ew mandatory requirement, an epwe wor ew health insurance, ika ew comprehensive medical me health insurance, inan nan mandatory. Ngang u ekiekieki ika epwe fen inan non ititin, epwe compel ini ewe State Government, an epwe awora ew comprehensive system, not compel ini employee, residence of the State of Chuuk, repwe participate. Ikkei ekkei ruu wewe use sinei naman ami meinisin efen napengeni ena ekiek, employee residence of the State of Chuuk, repwe member non ei insurance, iwe epwe mandated through en non nouch ei Constitution. Ikkei ekkei ruu meen uwe nonomw won Mr. President tori iei usefen nuku meni epwe fat non ai ekiek.

President Noket: Chairman Stephen.

Chairman Stephen: Ewer kinisou chapur Mr. President, ngang use chiwen ani osukosuken, matter of interpretation iei, met uwa kon ouwenma ai osukosuk won met sa encounter-ini ikkenai. As the result of the language ren met e compare ngeni, kapach ei annuk, ina met ei uwa mochen anonga met ai vote won the realities of the people, fengen me ach ei State Government. Sipwe ne moneno ena interpretations ena interpretation epwe nonomw ren emon me emon ika epwe challenge-ini ena meen. Iwe nge ei actual reality of it, ena kapas mandatory, ina ena osukosuk.

President Noket: Chairman Fritz.

Chairman Fritz: Upwe omusomus ngeni kemi meinisin pwe ma, I was absent for long time, omusano tipis na nge, ita merei an epwe fatafat ngenikich, ika iwe e tufich, ngang uwe discuss this with Johnny Meippen, nge ii e ura nge e do some research fan iten ei meen ren ei kapas mandatory. Iwe ita ai weweiti nge ii e apasa pwe met ii e found out seni an research, nge ei kapas mandatory, wewen nge e mandatory-ni government an epwe awora eu Health Insurance ngeni aramas, government employees, nge esap an epwe mandatory an aramas repwe fiti, pwe ar repwe joint or not its up to them, emon me emon aramas. Iwe ina usap sinei ika mi pung or mi mwan. Nge ika ita efen tufich sipwe angei record-un ei mettoch. Ian e nom ian record-un ei mettoch O? Iwe ina omusalo tipis (**inaudible**) government employee are under the government, iwe nge ren private me municipalities ina ena e ekis sokono (**inaudible**)

President Noket: Ika ese chiwen wor poraus, mwich ewpe mwo asoso.

Mwich a asoso, mwich a pual niwin sefan.

President Noket: Mwich a popusefanita, ika mi chiwen wor an emon porause, ika ese chiwen wor sipwene monota ach sipwene uttut. Chon utti engon e tongeni pass ei proposal.

Secretary Pual:

Del. Mori	U
Del. Nifon	
Del. Raymond	U
Del. Sirom	U
Del. Sitan	U
Del. Stephen	U
Del. William	Ewer
Del. Chairman Fritz	
Del. Floor Ldr. Harper	Conflict
Del. Pre. Noket	

Mr. President, pungun uttut won DP 3-15, chon apasa U 8, emon mi silent, emon mi abstain. CP 3-15 ese pass secretary epwe record-uni pun usun ruwomon re silent, nge ika mo ruomon ese chok pass. Floor Leader Harper.

Floor Leader Harper: Kinisou chapur Mr. President pwe convention a etiw won CP No. 3-35. Ua puan fori motion pwe convention a etiya ewe CP No. 3-35.

Mr. President: A mokut a pual second pwe mwich a etiya CP No. 3-35; delegate Keiuo.

Delegate William K.: Ewer kinisou chapur Mr. President ai nuku fan iten ii ewe chok terms, iwe ren na wewe ese pual ii chiwen wor metoch sipwe anganga, uwa

wanong non motion pwe esap chiwen wor porous won.

Floor Leader Harper: Mr. President.

President Noket: Iwe sipwe mwo aneani itenapen ena proposal. Secretary kose mochen kopwe aneani itenapen ena proposal sipwe wewengeni.

Secretary Paul: President, CPNo3-35; To amend Section 4 of Article IX of the Chuuk State Constitution, to increase the term of the special prosecutor, to provide for an easier way for selection.

President Noket: Iwe iei atun poraus won na proposal, delegate Keiuo William.

Delegate William :Ewer ngang upwe ne yeld ai floor ngeni ai ei good colleague, Del. Sirom. Oh, Floor Leader mwa ewe.

President Noket: Ika pwe - me mwen ach sipwe poraus-ono, upwe emweni mwich ren met mi fis won na proposal. Ena Proposal ena line 9, (b), ena "the Prosecutor shall be selected for a six (6) year term. Esap chiwen 5 year term", pwe a punguno me non ewe COW, pwe epwe six 6, year term. Iwe meinisin ekkena ena line 10, ena mi underline meinisin epwe kimono puan. Esap- epwe kimono, iwe epwe pual reinstated - epwe puan reinstated ekkewe "the mayors of the State of Chuuk". Iwe ena line 12, ena kapas Senate epwe siwin ngeni Legislature usun ina met mi punguno lon ewe COW.

Floor Leader Harper: Osupwang, Mr. President.

President Noket: Osupwang, Floor Leader Harper.

Floor Leader Harper: Kose mochen sipwe mwo asoso ekis.

President Noket: Sipwe asoso ekis.

Mwich a asoso, a pual poputa sefan.

President Noket: Mwich a poputa, Sopwosopweno poraus won CP 3-35, Floor Leader Harper.

Floor Leader Harper: Kinisou Mr. President, ina mwo ika ia weweiti met a tou nefinach non ewe fansoun asoso, nge ngang ipwe chok pual pwarata mefie i won ei proposal, ai ia met asonopa an esap pass. Esap amended met masowan ewe constitution non ei fansoun, met mi weneiti ewe officein Prosecutor, pokiten ai nuku, iei och metoch upwe era pwe key-en an epwe wenechar angangen ach ei State government. Non an epwe wenechar angang akaewin ren pekin money. Iwe uwa nuku pwe ach State Government epwe tongeni atufichi nouch aramas nesor me ponoon.

Iwe pual och metoch usun ia mefi ai ipwe saweiti fen aramas, ar repwe kuna ekkei proposal sii pass-ini, me met sise fen pass-ini, iwe repwe kuna pwe sifen achocho ne pass-ini ewe proposal won Etten, me Piis-Panewu. Iwe me rei ekkena esap an chon Chuuk osukosuk, me an ach ei government osukosuk. Nge ei ew fen proposal, merei pwe iei eu fen osukosuken aramas, osukosuken aramas, osukosuken ach ei State Governemnt - Chuuk State Government. Iwe siwpele fokkun - sisap anganga ach sisap pass-ni. Nge sia fen sinei pwe feiochun ach ei State Government me nouch aramas. Kinisou chapur Mr. President.

Delegate William, K: Kose mochen upwe make my statement me mwen ach sipwe vote.

President Noket: Del. William K.

Delegate William K.: Kinisou chapur Mr. President, ouchean ai mochen watiw ai vote ren ena an epwe pual wor wewechun. Nei kewe constituents ar ra finieinong re mochen rese pual ngeni ei en prosecutor, pwe rechok ngeni pwe upwe achocho ngeni ewe health insurance period, iwe ekkewe motoch mi ochu ngeni Chuuk. Iwe ika uwa vote Yes, won en prosecutor iwe a extent ewe government pun ar repwene investigate-ini ekkewe metoch ngeni ekkewe aramas, nge osukosuken ekkewe employee, ina sifen moneno. Iwe ina pwata u era met - what's the different between ai upwene vote Yes, won en nge uwa fen moneno okkochean ai we tonong non wisei ei delegate, fan iten ikkena ar kewe weires. Iwe ina pwata u era nge, I waste my time ai upwe totiwon na, I might vote No, fan iten an ese ketiw mochenin nei kewe aramas. eEnan, esapw inan mochenin nei kewe aramas. Meni ma mochenin ekkewe ekkoch ngeni ach ei state, nge mochenin nei kewe aramas, ikkenan met wesewesen re uwaeinong ren. Enan Health Insurance, ai upwe achocho ngeni ar repwe wor ewe choice rer, pun ina ar we riaffou seni ar ra poputa tori ikkenai. Iwe ika uwa pass-ini en, iwe ita met namotan oupwe investigate-ini, nge ar we osukosuk e fen poputa seni ewe insurance. Ina ouchean ai upwe wanong fan iten ai vote epwe apw, kinisou chapur.

President Noket: Ese pual wor memef won. Chairman Stephen.

Chairman Stephen: Kinisou chapur Mr. President, pual tiro, fairu woch meinisin. Ai nuku mei pung pwe ika sa fen pual ii niwinsefan, tutumir sefan won ewe och nge ena 3-34, puan ena 3-35, 3-36, iwe ma usun met Floor, a era iwe ir mi sokkono in nature. Pun either we have it or we don't have it, within ten years, nge ren ewe Health insurance ina mo ika a osukosuk kapesan, mei tongeni wor remedy won an epwe wor ngeni emon me emon aramas, iwe ina wewen, mei pual ii wor ekis ena distinction non ach sipwe safeni, pual tiro won pwii we, ika osei, - ren ngang mi understand, ngang mi respect-tini. Nge ren ena Independent Prosecutor mi puan ma ii sakono kefinin, me ika ese pass ese pass. A ma fitano fei Constitution. Nge ren ewe Health Insurance mi wor ewe eu an ma individual ika - ir mi tongeni challenge-ni. Iwe ai upwe chok puan afata ngeni pwii we, ika osay, ika iei ese pass iwe mi puan wor och anan ika safean. Kich mi tongeni challenge in Court. Iwe kan puan tirow omusalo ren ai kan puan wata ei, kinisou.

President Noket: Chairman Sitan.

Chairman Sitan: Kinisou Mr. President, fellow delegates, ngang upwe mochen put on the record ai view won ei eu proposal. Ai luku usun chok puan met kewe chienach kewe re poraus won pwe ei a men auchea, ren for the State Government, are for the State. Mi pung ren puan pwich we emon ren puan ewe eu mandate, mi auchea - ewe emon e ura mi wor anan, nge ei eu use silei ika mi wor anan ika ese wor. Nge mi auchea ren governments ren ar repwe work - kich as delegates ewer, kich mi mandate by our constituents at the same time we also represent here as Chuukese citizen for the interest of the State. Ren ena wewe, uwa alean pwe epwe wor netip och ach sipwe mwan anenian ei eu proposal an epwe pass. Kinisou.

President Noket: Ika ese chiwen wor, poraus won ei proposal, mi puan wor mefien emon. Ika ese chiwen wor.

Delegate Sirom: Mr. President.

President Noket: Delegate Sirom.

Delegate Sirom: Omusalo tipis President, mi puan won ekis mefiach won ei proposals. Ewer, ngang mi fiti nouch we Floor, kapas enlet epwe eu mettoch mi fen weires ika epwe sareno ei convention nge esap wor en prosecutor non nouch ei Constitution. Ita ururun iei eu me nein ekkewe mettoch kich mi ani campaign pwe sipwe aworanong non nouch ei constitution, pwe without ei prosecutor, ekkena mettoch meinisin epwe chok turunufas. Iei popun ngang upwe fakkun tungor kose mochen sipwe ii nikitatiw metekenan, nge sipwe ekieki ei eu proposal a men auchea ngeni fonuach State. Kinisou chapur.

President Noket: Metei sipwe vote won ekewe as amended, ei proposal mi chok pusin wor, ei eu provision non nouch ewe constitution. Nge ika sise vote won epwe chok wor, ika sie vote against nge epwe chok wor. Nge sipwe chok puan niwiniti metewe mi wor iei ese amended. Sipwe chok puan niwiniti ewe 3 year. Sipwe niwiniti ngeni ekkewe Mayor repwe puan wisen fini. Uchok afata pwe epwe fat me non ach ekiek, iwe ika pwe mwich repwe vote ren yes, iwe mi och ar repwe puan accommodate-ni metekewe amendments. Nge ika pwe metewe Delegate William, e poraus won esap accommodated, iwe eni epwe waste ach sipwe puan kapas won ekkewe amendments. Nge iwe chok ika ese pass, mi chok puan wor ewe independent prosecutor, nge ese chok improve.

Floor Leader Harper: Mr. President.

President Noket: Ewer, Floor Ldeader.

Floor Leader Harper: Kinisou Mr. President, uwa fori non motion pwe convention epwene mwo asosono ren ikenai, niwinsefan fengen kunok 2:00 nesor. Second.

President Noket: A mokut a puan second pwe convention epwene mwo sareno ikenai, sipwap niwin nesor kunok 2:00 murin neanowas.

Delegate Sirom: Osupwang.

President Noket: Met omw na osupwang, mi pochokun ewe motion, pwe a second.

Delegate Sirom: Kose mochen sipwe vote by hand ika sipwe sar sika sisap sar.

President Noket: Met mefien mwich, ami mi tipeew ngeni sipwe vote by hands. Ese puan wor ngawan.

Delegate William: Osupwang.

President Noket: Ewer, met omw na osupwang.

Delegate William: Ewer, ngang uwa aucheani ai upwene sar, pwe uwa wenewenen mochen no pwe mi wor ai appointment iei a nuseni - iei a 20 minutes, iwe iei resap chiwen utiei ai ei uwa mang, pwe a 20 minutes. Iwe ina pwata uwa meen mochen sipwene mwo sareno, ina pwata ai we era pwe ai vote No, pwe site waste ai time. Nge ika ouwe mut ngeniei ekkoch fansoun upwe puan ekekiek, upwe tungorei nei kewe aramas pwe omusalo pwe upwe ne sapengeni en, pwe ese tawe metewe ouwe tungoreei won. Iwe use silei ika re fen anisiei nesor, nge upwe chok utuk, iwe uwa fen puan vote yes, nge ika pwe sia chok force-ni ai ekiek No, chok.

President Noket: Iwe sisap ii poraus won ewe pwe a pochokun ewe motion, nge eu chok uchok - ngang mi tipeew ngeni pwii we ren an - metewe e poraus won ren an epwe mwo asosono, pwe use silei ika ewe ngunmifel epwe etiw a asarama an ekiek seni ikenai tori ach sipwe mwich nesor. A siwini an ekiek, ina pun iei sipwe ne vote won -

Chairman Fritz: Osupwang.

President Noket: Met om na osupwang Chairman Fritz.

Chairman Fritz: Omusalo tipis uwa men ma kinisou ngeni monun nemwich ren ar en me apasata mefian non pusin ar wenechar ngenikich as a member. Ita upwe tungor, pokiten ewe Chairmanun Style and Arrangement a fakkun weires en fori ekkewe, a men auchea an epwe worn ouch copy pwe sipwe niwinsefan nge sia mwan ekis weweiti metekewe sia fori. Sipwe ma nenenong non, sia weweiti.

President Noket: A iwe, sipwe tungor ngeni Secretary pwe epwe awora copyn ekkewe CP - final draft, me mwen ach sipwe sareno, ua mochen apasa ach kinisou ngeni Chairman Style and Arrangement me puan nouch we secretary, staff ren ukukun ar angang, mi weires, esap ir souanuk, nge ra chok aninis seni puan ewe emon

souanuk. Nge unusen ewe angang a chok fori nepwin neran, puan iokewe ir mi puan wanong ar angang ika aninis, ika esap punur iei sia mwan tori ekkei report sipwe tongeni nom rech nesor me ponon. Chairman Stephen.

Chairman Stephen: Ngang upwe tungor atekan repwe war nesor pwe sipwe awesano ach ei meen pun ngang uwa wesen sacrifice-ni ai ei fansoun, ren uwa puan postpone-ai we ita sai, pwe umochen epwe fakkun nimenimochuno ach ei angang. Non Ounungat ita upwe sai, nge uwa puan urano pwe fan iten ach ei angang.

President Noket: Chairman Stephen, e amengiringiri ekkewe rekeran war me referrals, me Hawaii, pokiten rese sacrifice-ni aar time. Mi wor ewe motion mi pochokun.

Charirman Sitan: Atufichi Osupwang, Mr. President. Ngang uwa fakkun puan tungor ngeni chienach kei ika res mochen repwe war nesor pwe enlet ngang uwa puan fakkun sacrifice too much, iwe ngang uwa alean pwe sipwe sar chok me non ei week. Esap puan wor no me murin, pwe upwenoo chok ma a meen chommong ai angang, iwe ese chiwen noo tawe. Kinisou chapur.

President Noket: Sipwe mwo asoso.

Mwich a asoso, a puan poputasefan.

President Noket: Chon tipeew ngeni pwe mwich a sar, apasa U, chon rese tipeew ngeni apasa Apw. A carry ewe motion. Mwich a asoso, tori kunok 2:00 nesor.

Katonong Seni,

_____/S/_____
Hernak Paul
Secretary
Third CSCC